



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-77-88/23
Datum: 2.2.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), čl. 69. stav (3) i 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka javne nabavke

Član 1.

Poništava se postupak javne nabavke **sigurnosno-identifikacijskog softvera**, objavljen na Portalu javnih nabavki Bosne i Hercegovine, Objavljeno o nabavci broj 1110-1-1-54-3-73/23 od 10.10.2023. godine, koji je proveden otvorenim postupkom.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da je do roka za prijem ponuda u postupku, dana 27.11.2023. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristiglo ukupno devet (9) ponuda i to:

1. Grupe ponuđača CETIS d.d. Celje i MERIDIAN a.d. Banjaluka,
2. ponuđača COMTRADE SYSTEM INTEGRATION d.o.o. Sarajevo,
3. ponuđača QSS d.o.o. Sarajevo,
4. Konzorcijuma KING ICT d.o.o. Sarajevo i KING ICT d.o.o. Zagreb,
5. Grupe ponuđača ARTCO GROUP d.o.o. Sarajevo i ROAMING NETWORKS d.o.o. Banjaluka,
6. ponuđača TELEGROUP d.o.o. Banjaluka,
7. Konzorcijuma PLUS K TECHNOLOGIES d.o.o. Banjaluka i DWELT d.o.o. Banjaluka,
8. Konzorcijuma NITES d.o.o. Banjaluka i ENIT d.o.o. Sarajevo i



9. Grupe ponuđača ORBICODE d.o.o. Sarajevo i BOSNIEN BUSINESS SYSTEMS d.o.o. Sarajevo.

Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača. Tokom pregleda ponuda utvrđeno je da Grupa ponuđača CETIS d.d. Celje i MERIDIAN a.d. Banjaluka, ponuđač COMTRADE SYSTEM INTEGRATION d.o.o. Sarajevo, ponuđač QSS d.o.o. Sarajevo, Konzorcijum KING ICT d.o.o. Sarajevo i KING ICT d.o.o. Zagreb, Grupe ponuđača ARTCO GROUP d.o.o. Sarajevo i ROAMING NETWORKS d.o.o. Banjaluka, Konzorcijum PLUS K TECHNOLOGIES d.o.o. Banjaluka i DWELT d.o.o. Banjaluka i Grupe ponuđača ORBICODE d.o.o. Sarajevo i BOSNIEN BUSINESS SYSTEMS d.o.o. Sarajevo nisu kvalifikovani za dalje učešće u ovom postupku javne nabavke. Detaljni razlozi odbacivanja ponuda za svakog od navedenih ponuđača zbog nekvalifikovanosti navedeni su u Zapisniku o pregledu i ocjeni ponuda, broj 15-03-16-5-77/23 od 5.12.2023. godine. Nakon analize i pregleda ponuda je konstatovano da su ponuđači TELEGROUP d.o.o. Banjaluka i Konzorcijum NITES d.o.o. Banjaluka i ENIT d.o.o. Sarajevo kvalifikovani, te da su njihove ponude prihvatljive i pravilne, te je između ovih ponuđača zakazana e-aukcija.

Analizom i ocjenom ponuda nakon održane e-aukcije, u postupku sa kriterijumom najniža cijena, Komisija je konstatovala da je ponuda Konzorcijuma NITES d.o.o. Banjaluka i ENIT d.o.o. Sarajevo najpovoljnija, te je na osnovu prijedloga Komisije ova grupa ponuđača izabrana za najpovoljnijeg ponuđača dana 7.12.2023. godine Odlukom o izboru najpovoljnije ponude, broj 15-03-16-5-77-40/23 (u daljem tekstu: Odluka o izboru).

Dana 14.12.2023. godine, Agencija je svojim aktom broj 15-03-16-5-77-55/23, obavijestila drugorangiranog ponuđača, Telegroup d.o.o. Banjaluka, da prvorangirani ponuđač nije u definisanom roku Agenciji dostavio dokumentaciju čije dostavljanje se u skladu članom 45. i 47. Zakona i tačkama 6.2.1., 6.4.1. i 6.5.1. Tenderske dokumentacije zahtijeva od izabranog ponuđača. Po provedenom postupku na osnovu člana 72. stav (3) tačke a) i b) ugovor se trebao zaključiti sa drugorangiranim ponuđačem.

Dana 18.12.2023. godine i 21.12.2023. godine Agencija je zaprimila žalbe na Odluku o izboru od KING ICT d.o.o. Sarajevo i Grupe ponuđača ORBICODE d.o.o. Sarajevo i BOSNIEN BUSINESS SYSTEMS d.o.o. Sarajevo, na koje je Agencija sačinila izjašnjenja i zajedno sa žalbama i dokumentacijom uputila ih Kancelariji za razmatranje žalbi Bosne i Hercegovine.

Dana 22.1.2024. godine Agencija je zaprimila Zaključak Kancelarije za razmatranje žalbi, broj JN-2-01-07-1-3821-8/23 od 18.1.2024. godine o odbacivanju žalbe KING ICT-a d.o.o. Sarajevo kao neuredne, a dana 1.2.2024. godine Rješenje Kancelarije za razmatranje žalbi, broj JN2-01-07-1-3868-7/23 od 18.1.2024. godine, o usvajanju žalbe Grupe ponuđača ORBICODE d.o.o. Sarajevo i BOSNIEN BUSINESS SYSTEMS d.o.o. Sarajevo. Rješenjem Kancelarije za razmatranje žalbi od 18.1.2024. godine je poništena Odluka o izboru i predmet vraćen ugovornom organu na ponovni postupak.

Po zaprimljenom Rješenju Agencija je pristupila radnjama u postupku u skladu sa nalogima Kancelarije za razmatranje žalbi te konstatovala da postupak treba nastaviti u novoj fiskalnoj godini. Međutim Agencija je sredstva za realizaciju ugovora po odnosnom postupku javne nabavke planirala budžetom prethodne godine.

Kako u prethodnoj budžetskoj godini nije mogla biti stvorena obaveza za koju računi mogu biti ispostavljeni u narednoj fiskalnoj godini, odnosno nije bilo moguće da Agencija unese i

evidentira obaveze u ISFU sistem na teret budžeta prethodne godine, ne postoji mogućnost za realizaciju eventualno zaključenog ugovora u ovoj fiskalnoj godini po odnosnom postupku javne nabavke. Iz navedenog razloga Agencija kao ugovorni organ mora otkazati odnosni postupak javne nabavke na osnovu člana 69. stav (3) Zakona, jer se radi o razlogu koji je izvan njene kontrole i na koji ona ne može uticati u konkretnom slučaju.

U skladu sa navedenim odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
digitalno potpisano / digitally signed

DOSTAVITI:

- Konzorcijumu NITES d.o.o. Banjaluka i ENIT d.o.o. Sarajevo, faks: 051/344-233 ili ul. Jovana Dučića 23a, 78 000 Banjaluka;
- grupi ponuđača ARTCO GROUP d.o.o. Sarajevo i ROAMING NETWORKS d.o.o. Banjaluka, ul. Marka Marulića 2, 71 000 Sarajevo;
- grupi ponuđača CETIS d.d. Celje i MERIDIAN a.d. Banjaluka, faks: +386 3 4278 841 ili ul. Čopova 24, 3000 Celje, Republika Slovenija;
- COMTRADE SYSTEM INTEGRATION-u d.o.o. Sarajevo, faks: 033/821-880 ili ul. Džemala Bijedića 179, 71 000 Sarajevo;
- Konzorcijumu KING ICT d.o.o. Sarajevo i KING ICT d.o.o. Zagreb, faks: 033/755-998 ili ul. Aleja Bosne Srebrene 34, 71 000 Sarajevo;
- Grupi ponuđača ORBICODE d.o.o. Sarajevo i BOSNIEN BUSINESS SYSTEMS d.o.o. Sarajevo, faks: 033/558-227 ili ul. Emerika Bluma 15, 71 000 Sarajevo;
- Konzorcijumu PLUS K TECHNOLOGIES d.o.o. Banjaluka i DWELT d.o.o. Banjaluka, Bulevar srpske vojske 17, 78 000 Banjaluka;
- QSS-u d.o.o. Sarajevo, faks: 033/563-001 ili ul. Branilaca Sarajeva 20, 71 000 Sarajevo;
- TELEGROUP-u d.o.o. Banjaluka, faks: 051/321-008 ili ul. Marije Bursać 8, 78 000 Banjaluka;
- u spis predmeta.